

বাংলাদেশ দূতাবাস

বেইজিং

২১ ফেব্রুয়ারি ২০২৩

প্রেস বিজ্ঞপ্তি

যথাযথ মর্যাদায় বাংলাদেশ দূতাবাস, বেইজিং-এ মহান শহিদ দিবস ও আন্তর্জাতিক মাতৃভাষা দিবস পালন

আজ ২১ ফেব্রুয়ারি ২০২৩ বেইজিং-এ যথাযোগ্য মর্যাদায় মহান শহিদ দিবস ও আন্তর্জাতিক মাতৃভাষা দিবস পালিত হয়। চীনে নিযুক্ত বাংলাদেশের রাষ্ট্রদূত মোঃ জসীম উদ্দিন, এনডিসি কর্তৃক দূতাবাস প্রাঙ্গনে জাতীয় পতাকা অর্ধনমিতকরণের মধ্য দিয়ে সকালে দিবসের কর্মসূচী শুরু হয়। ভাষা শহিদদের প্রতি শ্রদ্ধা জ্ঞাপন করে দূতাবাসের অস্থায়ী শহিদ মিনারে পুষ্পস্তবক অর্পণ করা হয়।

সন্ধ্যায় মহান ভাষা আন্দোলনে শহিদদের বিদেহী আভার মাগফিরাত এবং দেশের উত্তরোত্তর সমৃদ্ধি কামনা করে দোয়া পরিচালনা ও এক মিনিট নীরবতা পালন করা হয়। দিবসটি উপলক্ষে রাষ্ট্রপতি, প্রধানমন্ত্রী, পররাষ্ট্রমন্ত্রী ও পররাষ্ট্র প্রতিমন্ত্রী কর্তৃক প্রেরিত বাণী পাঠ করা হয়। এরপর দিবসটির তাঃপর্য নিয়ে আলোচনা হয়। রাষ্ট্রদূত তাঁর বক্তব্যে বলেন যে, ফেব্রুয়ারির রক্তবরা পথ বেয়েই অর্জিত হয় মাতৃভাষা বাংলার স্বীকৃতি। তিনি বলেন যে, মাতৃভাষা দিবস উদ্বাপন এখন আর বাংলাদেশের মধ্যে সীমাবদ্ধ নেই। বিশ্বের বিভিন্ন দেশ আন্তর্জাতিকভাবে এই দিবসটি পালন করছে, যা বাংলাদেশের জন্য অত্যন্ত গৌরবের বিষয়। রাষ্ট্রদূত মহান ভাষা আন্দোলনে জাতির পিতা বঙ্গবন্ধু শেখ মুজিবুর রহমানের কথা উল্লেখ করে বাংলার অধিকার আর্জনের প্রতিটি সংগ্রামে বঙ্গবন্ধুর নেতৃত্বের কথা কৃতজ্ঞতার সাথে স্মরণ করেন। তিনি প্রধানমন্ত্রী শেখ হাসিনার নেতৃত্বে বাংলাদেশের উন্নয়ন অগ্রযাত্রায় সবাইকে অবদান রাখার আহ্বান জানান।

উন্নত বিশ্বের সাথে তাল মিলিয়ে এগিয়ে যেতে নিজ ভাষার পাশাপাশি বহুভাষিক শিক্ষার মাধ্যমে উন্নত ভবিষ্যৎ বিনির্মাণে বর্তমান প্রজন্মকে এগিয়ে যেতে হবে বলে রাষ্ট্রদূত উল্লেখ করেন। তিনি বলেন, বিশ্বের বিভিন্ন ভাষাভাষী মানুষের নিজস্ব ভাষা ও সংস্কৃতি রক্ষায় অমর একুশের চেতনা আজ অনুপ্রেরণার উৎস। অনুষ্ঠানে উপস্থিত সকলকে বিশেষ করে নতুন প্রজন্মের তরুণ সদস্যদের তিনি ৫৫' র ভাষা আন্দোলনের ইতিহাস জানার ও ভাষা আন্দোলনের চেতনায় উজ্জীবিত হয়ে সামনে এগিয়ে যাবার জন্য আহ্বান জানান। অনুষ্ঠানে চায়না মিডিয়া গ্রুপের বাংলা বিভাগের অধিকর্তা মিজু চাও ইয়ানহুয়া, চায়না কমিউনিকেশন বিশ্ববিদ্যালয়ের অধ্যাপক ড. শিয়াওইয়ু ঝাং এবং নতুন প্রজন্মের সদস্য মিজু নওরীন সরকার বক্তব্য রাখেন।

এ উপলক্ষে অমর একুশে নিয়ে নির্মিত প্রামাণ্য চিত্র প্রদর্শন করা হয়। মহান শহিদ দিবস ও আন্তর্জাতিক মাতৃভাষা দিবস উপলক্ষে চায়না মিডিয়া গ্রুপের সদস্য, বাংলাদেশী শিক্ষার্থী ও কমিউনিটির সদস্য, দূতাবাসের নতুন প্রজন্মের সদস্যরা ও দূতাবাস পরিবারের সদস্যদের স্বতঃস্ফূর্ত অংশগ্রহনে একটি মনোজ্ঞ সাংস্কৃতিক অনুষ্ঠানের আয়োজন করা হয়। আমন্ত্রিত চীন অতিথিবৃন্দ, বাংলাদেশী কমিউনিটির সদস্য ও দূতাবাসের কর্মকর্তা-কর্মচারী ও তাদের পরিবারের সদস্যগণ উক্ত সাংস্কৃতিক অনুষ্ঠানে যোগদান করেন।

